

ქ. თბილისი

_____2018 წ.

ერთი მხრივ, სსიპ – „საქართველოს შოთა რუსთაველის თეატრისა და კინოს სახელმწიფო უნივერსიტეტი“, შემდგომში წოდებული „შემსყიდველად“, წარმოდგენილი მისი ადმინისტრაციის ხელმძღვანელის რუსუდან თევზაძის მიერ, და მეორე მხრივ _____ შემდგომში წოდებული „მიმწოდებელად“, წარმოდგენილი მისი _____, _____ მიერ, ცალ-ცალკე წოდებული როგორც „მხარე“, ხოლო ერთობლივად „მხარეები“ მოქმედი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, შემსყიდველის მიერ ჩატარებული ელექტრონული ტენდერის აუქციონის გარეშე (სატენდერო განცხადება NAT-----) ვდებთ წინამდებარე ხელშეკრულებას:

მუხლი 1. ტერმინთა განმარტებები

- 1.1 „სახელმწიფო შესყიდვის შესახებ ხელშეკრულება“ (შემდგომში - ხელშეკრულება) – ნიშნავს შემსყიდველსა და მიმწოდებელს შორის დადებულ ხელშეკრულებას და მის დანართს: დანართი N1 - ფასების ცხრილი, რომელიც წარმოადგენს ამ ხელშეკრულების განუყოფელ ნაწილს და განიხილება წინამდებარე ხელშეკრულებასთან ერთად.
- 1.2 „ხელშეკრულების ღირებულება“ ნიშნავს წინამდებარე ხელშეკრულების 4.1 მუხლში მითითებულ თანხას, რომელიც შემსყიდველმა უნდა გადაიხადოს მიმწოდებელის მიერ ხელშეკრულებით ნაკისრი ვალდებულების სრული და ჯეროვანი შესრულებისათვის.
- 1.3 „შემსყიდველი“ ნიშნავს სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.
- 1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო „სახელმწიფო შესყიდვის შესახებ ხელშეკრულება“.
- 1.5 „CPV კოდი“ - შესყიდვის ობიექტების იდენტიფიცირებისა და ერთგვაროვნების დადგენის წესის დამტკიცების შესახებ სახელმწიფო შესყიდვების სააგენტოს თავმჯდომარის 2010 წლის 20 სექტემბრის №7 ბრძანებით გათვალისწინებული კლასიფიკატორის 8-ნიშნა კოდი.
- 1.6 „სამშენებლო სამუშაო“ (შემდგომში – „სამუშაო“) - შენობის, ნაგებობის ან სხვა ობიექტის მშენებლობასთან, რეკონსტრუქციასთან, ნგრევასთან, რემონტთან ან განახლებასთან დაკავშირებული ნებისმიერი სამუშაო (მათ შორის, სამშენებლო მოედნის მოწყობა, გრუნტის ამოღება, შენობის ან ნაგებობის აგება-აშენება, აღჭურვილობის მონტაჟი, მოპირკეთება და მოსაპირკეთებელი სამუშაოები, მშენებლობასთან დაკავშირებული საკომუნიკაციო ქსელების მოწყობის სამუშაოები), აგრეთვე მშენებლობის თანმდევი მომსახურება, როგორიცაა ბურღვა, გეოდეზიური სამუშაოები, კოსმოსური და აეროგადაღება, სეისმური კვლევა და სახელმწიფო შესყიდვის შესახებ ხელშეკრულებით გათვალისწინებული სხვა ანალოგიური მომსახურება, თუ ამ მომსახურების ღირებულება არ აღემატება სამშენებლო სამუშაოს ღირებულებას.
- 1.7 „დანართი N1 - ფასების ცხრილი“ - ხელშეკრულების დანართი, რომელშიც მოცემულია სამუშაოს დასახელებები, მათი რაოდენობა, ერთეულის ფასი და სამუშაოს ჯამური ღირებულება.
- 1.8 „დანართი N2 - გეგმა-გრაფიკი“ - წინამდებარე ხელშეკრულების საპროექტო დოკუმენტაციით გათვალისწინებული სამუშაოების შესრულების ზუსტი ვადები.

მუხლი 2. ხელშეკრულების საგანი

2.1. ხელშეკრულების საგანია შემსყიდველის მიერ მიმწოდებელისაგან ხელშეკრულების ღირებულების ფარგლებში ქ. თბილისში, დავით აღმაშენებლის გამზირი N40 -ში მდებარე უნივერსიტეტის II კორპუსში, არსებულ მანსარდში, (III - სართული) ტელესტუდიის, კინოდარბაზის, კინოპავილიონის, ტელეპავილიონის მოწყობის და შენობის დასრულების სამუშაოები, წინამდებარე ხელშეკრულების, ფასების ცხრილის (დანართი N1) და საპროექტო დოკუმენტაციის შესაბამისად.

2.2. წინამდებარე ხელშეკრულების კლასიფიკატორის კოდს წარმოადგენს: **45400000 - შენობის დასრულების სამუშაოები** (45430000 - იატაკისა და კედლის საფარის დაგება; 45430000 - იატაკისა და კედლის საფარის დაგება; 45440000 - ღებვა და შემინვა; 45450000 - შენობის მოწყობის სხვა სამუშაოები).

მუხლი 3. სამუშაოს შესრულების ფორმა, ვადა და პირობები

- 3.1. მიმწოდებელი ვალდებულია სამუშაოების გაწევა უზრუნველყოს: ქ. თბილისში, დავით აღმაშენებლის გამზირ N40 -ში მდებარე უნივერსიტეტის II კორპუსში, არსებულ მანსარდში (III - სართული).
- 3.2. მიმწოდებელი ვალდებულია სამუშაოების გაწევა უზრუნველყოს, სახელმწიფო შესყიდვების შესახებ ხელშეკრულების გაფორმების მომენტიდან არაუგვიანეს **168 (ას სამოცდარვა) კალენდარული დღის ვადაში**.
- 3.3. მიმწოდებელი ვალდებულია არაუგვიანეს 2018 წლის 25 (ოცდახუთი) დეკემბრისა უზრუნველყოს საერთო ღირებულებით 177 188,00 (ას სამოცდაჩვიდმეტი ათას ას ოთხმოცდარვა) ლარის სამუშაოების შესრულება და შესაბამისი ექსპერტიზის დასკვნის წარმოადგენა.
- 3.4. მიმწოდებელი ვალდებულია სამუშაოების შესრულების დროს შეათანხმოს შემსყიდველთან და გამოიყენოს მხოლოდ ის მასალები, რომელთა ხარისხი შეესაბამება საქართველოში აღიარებულ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია არ ჩაიბაროს ჩატარებული სამუშაოები.
- 3.5. მიმწოდებელი ვალდებულია სამუშაოების შესრულების დროს იხელმძღვანელოს „სამუშაოთა წარმოების გეგმა-გრაფიკის“ შესაბამისად, რომელიც წარმოადგენს ხელშეკრულების აუცილებელ ნაწილს და შედგენილია შემსყიდველის მოთხოვნათა გათვალისწინებით.
- 3.6. მიმწოდებელი ვალდებულია სამუშაოების მიმდინარეობის პერიოდში, ეტაპობრივად, ყოველთვიურად, წარმოადგინოს შესრულებული სამუშაოების დამადასტურებელი დოკუმენტები ("ფორმა N2" და "ფორმა N3").
- 3.7. სამუშაოების შესრულების მთელ პერიოდში, მიმწოდებელმა უნდა უზრუნველყოს საქართველოში მოქმედი სამშენებლო და გარემოსდაცვითი ნორმების განუხრელი შესრულება.
- 3.8. მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა გარემოზე, ასევე საკუთარი სახსრებით უნდა მოაწყოს საჭირო დამცავი ბარიერები შემსყიდველთან შეთანხმებით.
- 3.9. მიმწოდებელი ვალდებულია სამუშაოს დასრულებისთანავე გაათავისუფლოს სამუშაო ადგილი სამშენებლო მოწყობილობა-დანადგარებისაგან და სამუშაოების წარმოების პროცესში წარმოქმნილი ნარჩენებისაგან.
- 3.10. სამუშაოების მიმდინარეობის პროცესში დემონტირებული მასალების დასაწყობება მიმწოდებელმა უნდა უზრუნველყოს შემსყიდველის მიერ მითითებულ მისამართზე.
- 3.11. მიმწოდებელი ვალდებულია სამუშაოების მთელი პერიოდის განმავლობაში მოხმარებული ელექტროენერგიის საფასურის ანაზღაურება უზრუნველყოს საკუთარი სახსრებით, რისთვისაც უნდა უზრუნველყოს მრიცხველების დროებითი მონტაჟი შემსყიდველთან შეთანხმებით.
- 3.12. მიმწოდებელი ვალდებულია აღადგინოს სამუშაოების წარმოების პროცესში მისი მიზეზით დაზიანებული ინფრასტრუქტურა.
- 3.13. მიმწოდებელი ვალდებულია საკუთარი სახსრებით წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნა, შესრულებული სამუშაოების შესაბამისობა/ინსპექტირება (მოცულობა, ღირებულება, ხარისხი) ხელშეკრულებით გათვალისწინებულ ხარჯთაღრიცხვასა (დანართი N1) და საპროექტო დოკუმენტაციასთან მიმართებაში.

მუხლი 4. ხელშეკრულების ღირებულება

- 4.1. ხელშეკრულების ღირებულება შეადგენს: _____ (_____) ლარს (შემდეგში - ღირებულება), დღგ-ს ჩათვლით. სამუშაოს ერთეულის ღირებულება განისაზღვრება წინამდებარე ხელშეკრულებით და ხელშეკრულების დანართი N1-ის (ფასების ცხრილი) შესაბამისად.
- 4.2. ამ ხელშეკრულების 4.1 პუნქტის შესაბამისად გათვალისწინებული სამუშაოს ერთეულის ფასი და საერთო ღირებულება შეიცავს მიმწოდებელის ყველა ხარჯს, დაკავშირებულს სამუშაოს შესრულებასთან და შემსყიდველის საკუთრებაში გადაცემასთან, ასევე კანონით გათვალისწინებულ გადასახადებს.
- 4.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ღირებულების 10%-ზე მეტი ოდენობით გაზრდა.

მუხლი 5. სამუშაოს შესრულების და მიღება-ჩაბარების წესი

5.1 სამუშაოს შესრულება დასტურდება შემსყიდველს და მიმწოდებელს შორის შუალედური მიღება-ჩაბარების აქტის გაფორმებით.

5.2 შუალედური მიღება-ჩაბარების აქტის გაფორმება მოხდება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნის საფუძველზე.

5.3 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) შესრულებულ სამუშაოზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

5.4 მიმწოდებლის მიერ შესრულებულ სამუშაოზე ან შესასრულებელ სამუშაოზე კონტროლი ხორციელდება ნებისმიერ ეტაპზე რისთვისაც გამოიყოფა უფლებამოსილი პირ(ებ)ი.

5.5 წინამდებარე ხელშეკრულების 5.4 მუხლის მიზნებისთვის, მიმწოდებლის შესრულებულ სამუშაოზე ან შესასრულებელ სამუშაოზე კონტროლის განმახორციელებელი პირია სსიპ - „საქართველოს შოთა რუსთაველის თეატრისა და კინოს სახელმწიფო უნივერსიტეტის“ _____ პ/ნ .

5.6 მიმწოდებელი ვალდებულია საკუთარი სახსრებით უზრუნველყოს კონტროლის შედეგად გამოვლენილი ყველა დეფექტ(ებ)ის ან/და ხარვეზებ(ებ)ის აღმოფხვრა/გამოსწორება მისთვის „ხელშეკრულებით“ გათვალისწინებულ შესრულებულ ან შესასრულებელ სამუშაოზე, დასრულების ვადის ფარგლებში ამ მიზეზით ვადის გახანგრძლივების გარეშე.

5.7 ხელშეკრულების შესრულების პირობების კონტროლის მიზნით შემსყიდველი უფლებამოსილია გამოიყენოს სხვადასხვა სახის საშუალებები, ამასთან, კონტროლის განხორციელებისას ხელი არ უნდა შეუშალოს მიმწოდებელს სამუშაოს შესრულებისას.

მუხლი 6. ანგარიშსწორების ფორმა, გრაფიკი და ვადები

6.1 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრული პირობებით.

6.2 სახელშეკრულებო თანხის ანგარიშსწორება განხორციელდება დანართი N1 - ფასების ცხრილი-ის და საპროექტო დოკუმენტაციის შესაბამისად, მხარეებს შორის გაფორმებული შუალედური მიღება-ჩაბარების აქტისა და მასზედ წარმოდგენილი საგადასახადო დოკუმენტაციის წარმოდგენის შემდეგ 10 (ათი) სამუშაო დღის განმავლობაში.

6.3 სახელშეკრულებო თანხის ანაზღაურება განხორციელდება ეტაპობრივად, (2 ეტაპი) სამუშაოს გაწევის შემდგომ, (1-ლი ეტაპი - თანხის ანაზღაურება განხორციელდება შემსყიდველის 2018 წლის სახსრებით) მიმწოდებლის მიერ წინამდებარე ხელშეკრულების 3.3 ქვეპუნქტის შესაბამისად შესრულებული სამუშაოების, ექსპერტიზის დასკვნისა და შუალედური მიღება-ჩაბარების აქტის საფუძველზე. (მე-2-ე ეტაპი) დარჩენილი თანხის ანაზღაურება განხორციელდება 2019 წელს, მიმწოდებლის მიერ გაწეული სამუშაოების შესაბამისად, მხარეებს შორის გაფორმებული შუალედური მიღება-ჩაბარების აქტის საფუძველზე.

6.4 ანგარიშსწორების ვალუტა - ლარი.

6.5 ანგარიშსწორების ფორმა - უნაღდო.

6.6 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 7. მხარეთა პასუხისმგებლობა

7.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

7.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

7.3 ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 5%-ის ოდენობით.

7.4 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ნაწილის 0.02%-ის ოდენობით.

7.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

7.6 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

7.7 თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, კანონმდებლობით დადგენილი წესით.

7.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 8. ხარისხი და გარანტია

8.1 მიმწოდებელი პასუხს აგებს შესრულებული სამუშაოს ხარისხზე დანართი N1 - ფასების ცხრილი -ის შესაბამისად.

8.2 შესრულებულ სამუშაოებზე უნდა ვრცელდებოდეს საგარანტიო ვადები არანაკლებ 1 (ერთი) წლისა. (საგარანტიო ვადების ათვლა დაიწყება ხელშეკრულების საბოლოო მიღება-ჩაბარების აქტის გაფორმების მომენტიდან).

8.3 მუშაოების დროს მიმწოდებლის მიერ დაშვებული შეცდომების ან/და სამუშაოების დროს უხარისხო მასალის გამოყენების შედეგად გამოწვეული ზიანის შემთხვევაში მიმწოდებელი ვალდებულია უზრუნველყოს აღნიშნული ხარვეზის აღმოფხვრა საკუთარი სახსრებით.

მუხლი 9. მხარეთა უფლება - ვალდებულებები

9.1. მიმწოდებელი ვალდებულია შეუსრულოს შემსყიდველს ამ „ხელშეკრულების მე-2-ე მუხლში მითითებული სამუშაო, განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხზე.

9.2. შემსყიდველი ვალდებულია დროულად აცნობოს მიმწოდებელს შესრულებულ სამუშაოსთან დაკავშირებული ხარვეზების შესახებ და დროულად გადაიხადოს „ხელშეკრულების ღირებულება.

9.3. ხელშეკრულების ვადის ამოწურვა არ ათავისუფლებს მხარეებს ამ ხელშეკრულებით ნაკისრი ვალდებულებების სრული და ჯეროვანი შესრულებისაგან და არ აუქმებს მხარეთა შეთანხმებულ პასუხისმგებლობის ზომებს.

მუხლი 10. ფორს-მაჟორი

10.1. წინამდებარე ხელშეკრულებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებლის და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3. ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების მოქმედების ვადა.

11.1. წინამდებარე ხელშეკრულება ძალაში შედის 2018 წლის _____ და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2019 წლის _____

მუხლი 12. სხვა პირობები

12.1. მხარეთა შორის სადავო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილი არიან მიმართონ საქართველოს სასამართლოს.

12.2. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

12.3. მხარეები უფლებამოსილი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

12.4. იურიდიული მისამართის ან/და საბანკო რეკვიზიტის შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

12.5. ხელშეკრულება შედგენილია ქართულ ენაზე ორ ეგზემპლარად და თითოეულს გააჩნია თანაბარი იურიდიული ძალა.

მუხლი 13. მხარეთა იურიდიული მისამართი და ხელმოწერა

„შემსყიდველი“	სსიპ - „საქართველოს შოთა რუსთაველის თეატრისა და კინოს სახელმწიფო უნივერსიტეტი“	„მიმწოდებელი“	_____
საიდენტიფიკაციო კოდი:	203851028	საიდენტიფიკაციო კოდი:	_____
მისამართი:	ქ. თბილისი, შ. რუსთაველის გამზ. N19	მისამართი:	_____
ტელეფონი:	322 999 411	ტელეფონი:	_____
ბანკი:	სახელმწიფო ხაზინა	ბანკი:	_____
ბანკის კოდი (მფო):	TRESGE22	ბანკის კოდი (მფო):	_____
ანგარიშის N:	_____	ანგარიშის N:	_____
„შემსყიდველი“	სსიპ - „საქართველოს შოთა რუსთაველის თეატრისა და კინოს სახელმწიფო უნივერსიტეტი“	„მიმწოდებელი“	_____

რუსუდან თევზაძე